

讚仏偈

【一】

光顔巍巍 威神無極

如是焰明 無与等者

日月摩尼 殊光焰耀

皆悉隱蔽 猶若聚墨

如來容顏 超世無倫

正覺大音 響流十方

戒聞精進 三昧智慧

威德無侶 殊勝希有

深諦善念 諸仏法海

窮深尽奥 究其涯底

無明欲怒 世尊永無

人雄師子 神徳無量

功勲廣大 智慧深妙

光明威相 震動大千

讚仏偈

【二】

願我作仏 齊聖法王

過度生死 靡不解脱

布施調意 戒忍精進

如是三昧 智慧為上

吾誓得仏 普行此願

一切恐懼 為作大安

假使有仏 百千億万

無量大聖 數如恒沙

供養一切 斯等諸仏

不如求道 堅正不却

譬如恒沙 諸仏世界

復不可計 無数刹土

光明悉照 徧此諸国

如是精進 威神難量

讚仏偈

【三】

令我作仏 国土第一

其衆奇妙 道場超絶

国如泥洹 而無等双

我当哀愍 度脱一切

十方來生 心悅清淨

已到我国 快樂安穩

幸仏信明 是我真証

發願於彼 力精所欲

十方世尊 智慧無碍

常令此尊 知我心行

假令身止 諸苦毒中

我行精進 忍終不悔